

Supervizor za Brčko imenuje novog gradonačelnika Brčkog

Danas je vršilac dužnosti supervizora za Brčko, Gerhard Sontheim, izdao nalog supervizora kojim imenuje gospodina Branka Damjanca na funkciju gradonačelnika Brčko Distrikta Bosne i Hercegovine do održavanja izbora za Skupštinu Distrikta i dok Skupština, koja tada bude izabrana, ne izabere novog gradonačelnika.

Imenovanje je uslijedilo nakon konsultacija sa političkim partijama o kandidatima koje su predložile za mjesto gradonačelnika.

Postupkom odabira, zasnovanim na profesionalnim i ličnim kvalitetima, izabran je kandidat koji posjeduje izražene rukovodne sposobnosti, koji će ostvariti uspješnu saradnju sa svim grupama u Distriktu i koristiti svoje stručno znanje za dobrobit Distrikta.

Gospodin Damjanac će se nesumnjivo pokazati kao osoba od velikog značaja za Distrikt. On je diplomirani ekonomista, aktivan član Komisije za finansije u Brčkom, Komisije za plan strateškog razvoja i član Upravnog odbora Razvojne agencija Brčko Distrikta (RABD). Posjeduje značajno praktično iskustvo u ekonomskom razvoju ove regije.

Gospodin Sontheim upućuje čestitke novom gradonačelniku Brčkog na imenovanju i izražava uvjerenje da će gospodin Damjanac izvršavati svoju obavezu da obavlja dužnost u interesu zajednice Brčko Distrikta na iskren i pošten način, i u skladu sa Statutom Distrikta i interesima svih građana.